

# Комсомолонь Вайгяль

ЛИСЕНЬДИ IV-це КИЗОНЬ

Мокшэрзянь ВЛКСМ-нь  
обкомть и Саранскяень  
горкомть газетасняАдрессь г. Саранск, ул. Ленина 9  
телефон № 1—72

5

МАРТСТА  
1937 КИЗОНЯ  
25 (399)

Лисеньди ковти 12-коть

## Женский тракторной бригадань инь цебарь трактористкатнень и бригадирхнень обращениясна

(ПРИМАФ ВЛКСМ-нь ЦК-са СОВЕЩАНИЯСА)

Сембе трактористкатненьди, женский тракторной бригадань бригадирхненьди,  
комбайнеркатненьди и од колхозницатненьди

КЕЛЬГЕМА ЯЛГАТ!

Сембесоюзонь Ленинский Коммунистический Од ломанень Союзть и ССР-нь Союзонь Земледелиянь Народной Комиссариатть тердемаснон коряс минь пуромоме Москву совещанияс, штоба обсудить женский тракторной бригадатнень Сембесоюзной социалистический соревнованияснон итогонзон.

Соревнованиясь ушедсь 1936 кизоня тунда Ангелина Пашать бригадань инициативанц коряс и оцю мяльса поддержанной ВЛКСМ-нь Центральной Комитетть марта. Женский тракторной бригадатнень соревнованиясна максозень ни васенце результатнень: 55 бригадат 1936 кизоня выработали тьожанда ламонь гектар кажнайсь и 300 бригадат—790 гектар кажнайсь СТЗ-ХТЗ тракторти, эста, кода Союзть эзга средняя выработкась равнай 463 гектарт тракторти.

Социалистический соревнованиясь лездсь тейнек тракторть сяда цебарьста тонадоманцты, минь культурно-технический и политический уровененкенъ кепедеманцты и лихтсь минь йоткстонок аф кржа передовой трактористкат и бригадирт, конат йотай кизоня няфтсь стахановский работань образецт.

Инголе молихть Советский Союзонь инь цебарь женский тракторной бригадатне, конат сязовь первенствовать соревнованияс: нят —Ледовская Пашать Московский областень Первомайский МТС-та, Тимашева Мотять — Воронежский областень, Шишовский МТС-ста, Лаптева Аннать Оренбургский областяста, Ангелина Пашать Донецкой областяста, Костюченко Марять Черниговский областяста, Фидарова Ханатть Северная Осетияста, бригадасна.

Инголе молихть инь цебарь трактористкатне, конат сязовь первенствовать: Клочкова Варась—ХТЗ тракторса, Ковардак Пашась—ХТЗ тракторса, Гайдамошук Меланиссь — „универсал“ тракторса, Щербакова Капитолинась и лама лиятне.

Женский тракторной бригадань трактористка и бригадир ялгат! Минь, совещаниянь участникне, решили обратитесь те-енть предложения марта продолжить 1937 кизоня женский тракторной бригадатнень и трактористкатнень соревнованияснон, инь оцю урожайть инкса, тракторти выработкань инь оцю норматъ инкса, палы материалъ ванфтоманц инкса, сянь инкса, штоба кепедемс эрь трактористкатъ культуранц и грамотностенц, Сталин ялгать марта путф задачать—максемс эрь кизоня странати 7—8 миллиардт пуд сьора успешнайста пшкodemанц инкса. Катк эрь трактористкась сувай социалистический соревнованияти и личной примеронь виенц марта, работань эсь опытонц марта таргасыне эсь мельганза лиятнень.

Минь терьнесась станя жа Советский Союзонь сембе комбайнеркатнень тиес минь примеркенъ лаца и кепетемс социалистический соревнованиянь.

Работамок стахановск-йкс, мзярдонга тядя юксне сянь колга, што тейнек эряви тонафнемс. Успешнайста тонафнемась аши главной условияс минь касомасонок. Тясть юксне, што минь содама шинекя пяк йолмат. Минь должентама маластонь кафта колма кизотнень получамс аф семилеткада йолма образования. Тейнек эряви сатомс, штоба эрь бригадаса улель кружок сьормас кржа содайхнень тонафнемс, улель школа грамотностъ кепедеманц инкса сянкса, штоба 1937 кизоня эрь трактористкась кепеделезень эсь содама шинзон 1—2 класс.

Тонафнеда тинь и лездода тонафнемс лиятнеиди. Максееда лезкс од, начинающей трактористкатненьди. Максость теест эсь опытонтьень, эсь содама шинтень. Тонафнесть тракторса работама од колхозницатнень. Катк кажнайсь минь эздонок тя кизомя тонафты 2—3 од трактористкат, а трактористкатненьди, конатнень омбоце категориань квалификациасна, кизотъ аделама пяленза максомс экзамен I-це категорианкса.

А ся стирьятненьди, конат тани тонафнихть тракторной курсса и комбайнеронь школаса, минь кортатама: „Тонафнеда сяда прилежайста и сяда усерднайста, сяда кржкянаста шарьжкочность теориять, сяс мес знаниянь—успехъ залогоц“.

Мяляфтость, стирьят, што, работамок трактор лангса, минь кемекснесась эсь социалистический родинанькенъ оборонной мощенц.

Озверелай фашистне наружа зюклайхть врьятемс Советский Союзть лангс. Синь тяряфнихть посягать минь моданекень лангс, конат основанайхть советский законть—Сталинский Конституциять марта—навечно кемекстафт колхознень мельга. Войнаги аноклама синь таргсесазь эсь агентнон, минь родинанекень подлай предателензон, террористнень убийцань троцкистский бандаста. Ну катк аныцек варжасазь врьятемс минь лангознок! Минь, стирьхне и аватне, аф илядтама шири. Эстакига, мзярда минь мирденья и братонья полйфсазь тракторть танкатъ лангс, минь синь должетгама полафтомс паксянь работатнень эса. А кда эряксты, то и минь озатама танкатнень лангс и вьдсась синь тоза, коза тейнек мяргги большевистский партиясь и Советский правительствась.

1937 кизоня топочни 20 киза Великой Социалистический Революцияти. Карматама сатнемонза сянь, штоба Советский власть 20 кизонь шинцты кажнайсь минь эздонок саль од, сяда оцю успеха эсь работасост и тонафнемасост.

Стирьня ялгат! Социалистический соревнованиясь коль моляфневи. Карматама касфнемост соревнующей трактористкатнень и комбайнеркатнень ряд нон, ламолгатфсась женский тракторной бригадатнень лувксснон, создадим женский од комбайновой агрегатт, лифтияма эсь йоткстонок од стахановкат—социалистический земледелиянь передовикт.

## 52 ВОРОШИЛОВСКИЙ СТРЕЛОК

Рузаевкань военно-учебный пунктсь допризывникнень йоткса йотафгсь оцю аноклама работа Сембец военной тевти аноклаф 70 допризывник, конатнень мариа йотаф 120 частонь программа.

Допризывникне пяк оцю мяль марта тонафнезь военной тевть. Тя няеви тьаста, што 70 допризывникнень йоткса 52 ломаньсь получасть ворошиловский стрелоконь значект.

Сембеда цебарьста тонафнезь военной тевть И. М. Иончев и А. Н. Киреев ялгатне. Контрольной стерльбаса Иончев и Киреев ялгатне сязовь васенце вастть.

Н. Алемаев.

## Райкомсь ладязя тевть

Вороно велеса комсомольский организациясь ашезь йотафне кодамовок работа аф союзной од ломаньтнень йоткса.

Аф кунара ВЛКСМ-нь райкомсь кучсь Вороно вели эсь работниконц. Райкомть работникоц йотафць од ломаньтнень йоткса беседа, живолгофтозе полигтонафнемань кружокть работанц.

Нингя аф кунара од ломаньтне ашезь содсе, мезе стамсь комсомольсь, а тани лама од колхозникт сувасть комсомолу.

Игошев.

Рыбкинань р-н.

## Тонафни цебарьста

Теризморань Буденнайть лемса колхозть МТФ-сонза Глухов Андрейсь лувондовсь аф калдыя работникекс. Цебарьста работаманкса Глуховть правлениясь кучезе ветеринаронь курсс, коса сон тонафни цебарьста.

Курснень деламок Глуховсь и работамонга кармай цебарьста.

Г. Девин.

Шайговань р-н.

## Мокшень вышивкань образецне—Парижский выставкав

Рузаевкань „Красная зоря“ артельса организовандаф мокшень вишивкань мастерской. Тя мастерской ь кучсь Москву эсь работастонза лама образецт.

Аф кунара мастерскоень работницагне получандасть телеграмма: — Тинь работантье включенайхть экспонатонь лувксти, конат кучевихть Парижский выставкав.

Тя мокшень вышивкань мастерскойсь организовандавь йотай кизоня кизонда. Тя васенце мастерскойсь республикаса и сон максси вишивкань пяк цебарь образецт. Тя мастерскойса работайхть Рузаевкаста 30 и Сузьяргста 70 вышивальщицат. 1936 кизоня мастерскойсь продукцияда нолдась 80 тьожанень питне.

Тягден кизоня артельсь касонды 440 ломанды. Продукциянь выработкась планць коря касонды 800 тьожанть цалковайс.

## ОД ЛОМАНЬТНЕ ВАЙМОСИХТЬ КУЛЬТУРНАИСТА

Насакина велеса Куйбышевть од ломантье газетань и книгань лемса колхозса аф кунара тийф од клуб. Клубть эса ули радио, патефон и гармошка. Эрь илять клубти пуромкшихть тучиять колга.

Велень активсь сидеста пути спектакльхть и тиенди вечерт. Од ломаньтне ваймосихть культурнаиста. Пронькин. Торбеевань р-н.



## МАССР-нь ПРАВИТЕЛЬСТВАТЬ МАРТА ГЕРОЙ-ПОГРАНИЧНИКЪ ШЕБУЛЕВ ЯЛГАТЬ ПРИМАМАЦ

Мартъ омбоце шистонза 12 частса МАССР-нь ЦИК-ть председателец Сурдин ялгати кабинетса примаф герой-пограничникъ Шебулев Дмитрий Степановичъ. Сонь родителенза Ромодановский районъ „Молодые всходы“ колхозса колхозникъ. Геройстванкса и самоотверженностенкса, конанц, няфтезе сон йотась кизонь ноябрь 26-це шистонза дальневосточной границатень арелямста, Советский Союзонь правительствася Шебулев ялгати казезе Красной Знамянь ордена.

Приемть эса ульсть МАССР-нь правительствать членонза—МАССР-нь ЦИК-ть председателец Сурдин ялгася, Совнаркомъ председателец Козиков ялгася, Совнаркомъ председателец полафтыец Бобков ялгася, ВКП(б)нь обкомъ секретарец Смирнов ялгася, МАССР-нь военной комиссаръ-капитанъ Буровъ и Просвещения Наркомъ Вожаев ялгася.

Ялгань беседаса герой-пограничникъ-орденоносецъ Шебулев ялгася правительствань члентенди азонкшнеся 1936 кизонь ноябрь 26-це шистонза советский территориять лангс японо-манчжурхненъ нападениясон пингста советский пограничникненъ геройский подвигсон колга.

Февраль 17-це шистонза ССР-нь Союзонь Центральная Комитетъ президиумонц заседаниясонза Михаил Иванович Калининъ вручил Шебулев ялгати кода и лия 12 славнай боец-пограничникненди боевой Красной Знамянь орден. Красной Знамянь ордена казъфненъ йоткса герой-пограничникъ Кондратьев ялгася Атяшевский районъ Буденнайть лемса колхозста.

## ПАНКРАТОВСЯ ЛАДЯЗЯ РАБОТАТЬ

1936-це кизонь ноябрь ковста УНКВД нь комсомольский организациясь пуроптсь политграмотань школа, коза кармасть якама 21 ломаньт. Руководителькс кочказъ Панкратов ялгати.

Васеньце ковть ульсь лама срывт, комсомолецне ашестъ аноклакшне прятаньтненди.

Лама вий путсь Панкратов ялгася, штоба ладямс кода эрви политто-нафнемать комсомолецненъ йоткса. Сон содазя, што сембе кружокъ работац зависит сонь эздонза. Штоба заинтересовать комсомолецненъ, Панкратов ялгася кармасть цебарьста анокламазаняйтненди. Сон сывонц кепедькс художественной литература, Ленин и Сталин ялгатненъ произведенияста и стак тов.

Йотась аф лама пингя и тевсь арась илякс. Тяни аш фкявок комсомолец, кона афоль яка тонаф-нема кружокти. Сембе комсомолецне кармасть цебарьста аноклама прятаньтненди.

Шиграченко ялгася васень пингть, мезевок афоль шаркодъкшне. А тяни сон тонац пяхцебарьста материалъ шарькодмонза, сон кармасть морафнема художественной литература, Ленин и Сталин ялгатненъ трудсон. Февраль ковть сон морафтозя „Дусима“ книгать.

Тяфтаня жа лац кармасть аноклакшнема занятиятненди Казанцева, Порфилов, Стрельников и одс примаф комсомолкася Трянкина ялгася. Сынь сембень тонафтозень Панкратов ялгася.

Ламоц комсомольский пропагандистненди эрви тонафнемс Панкратов ялгати эзда. Пропагандистти эрви азончнемс комсомолецненди тонафнемать пользац аф анычек занятиятненъ пингста, а эрь шиня,

эр частоня, кода тиенди Панкратов ялгася.

Пропагандистти эрви систематически максемс комсомолецненди сяди и сяди интереснай и увлекательной материал Ленин и Сталин ялгатненъ трудсон эзда, художественной литература и ст. тов.

Эрви маштомс материалъ азондомонза, штоба ингольденъ пингень историйть сотомс тяниенъ эрять марта. Мзярда тонафнезь „правой“ и „левой“ уклонтненъ, Панкратов ялгася комсомолецненди яркай примерса няфтезе, кода-ма позорнай и предательский тевонъ тиендема кармасть ингольденъ уклонистне. Троцкистский централь процессонц материалонзон коряс, Панкратов ялгася сембе комсомолецненди няфтезя, што ингольденъ уклонистне Пятаков, Радек, Бухарин, Рыков и лиятне, конат лама время тюренцъ Ленинонъ—Сталинонъ партиять каршес, арасть фашистокс, ярай бандитокс.

Панкратов ялгася морафни лама художественной литература и эрь комсомолецти азончнеся кодама художественной литература эрви теенза морафтомс. Сон пяхцебарьста содасы герафический картать и занятиятненъ пингста географический картась ялан ащи ственаса. Мзярда Панкратов ялгася азончнезе комсомолецненди 1-це пятилетка-ть итогонзон, сон картать эзда няфнезя кося кодама предприятия тийф и стак тов.

Панкратов ялгати занятиянза йотнихть весяласта и увлекательнайста. Комсомольский пропагандистненди эрви савомс Панкратов ялгати цебарьопытонци тиенс политтонафнемать образцовайста.

Локтаев.

## КОМСОМОЛЬСКИЙ ОРГАНИЗАЦИЯСЯ АФ РАБОТАЙ

Кулдим велеса од ломаньтненъ йоткса кодамовок культурно-воспитательной работа аф вятени. Велеса ули комсомольский организация, но аф союзнай од ломаньтненъ йоткса работай юкстазе.

Аф полной средний школаса 13 учительхть, но тя культурнай вийсь аф вяти колхозникненъ йоткса кодамовок воспитательной работа.

Кафта кизот, кода аф путневихть

спектакольхть, аф эрять вечерт. Комсоргс Картаев ялгася мекпальденъ пингть эзда нльне аф пуропни комсомольский пуромкстка. Тячить самс комсомолецне аф содасазь Сталин ялгати докладонц и сталинский од Конституциять.

ВЛКСМ-нь райкомти эрви тятевь лангс шарфтомс оцю мяль и живолгофтомс комсомольский организациять работанц. Уч—ся

Шайговань р-н.

## Пионерхне шумнасть

Февраль ковть 24-це шистонза Рузаевкаса йотафтсь ошень марстонъ пионерский сбор, кона ульсь посвященный Якстерь Армиять 19-це годовщинацты.

Сяс, мес сболти апак йотафт эрвикс аноклама работа, сон цебарь, организованной работай вастс пяхксель шумда.

Рабочай клубъ кучкас пяхцебарьста тифоль пионеронъ костер. Куз тарад алу пугфоль мотор, конанъ электричества вельде шаромац кепсезень вере эзонза сотнеф Якстерь шелконъ лентатненъ и ширьде няемок кодавок афолеть марья, што тя аф видефонъ тол мар. Тя картинась пях лажадфста ванфтозень эсь лангозост сболти сай пионерхненъ, конада пяхксель рабочаенъ клубсъ. Но сяс, мес сын пуромсть афорганизованнайста, а кой-кона организациятне нльне руководителфтеме и клубсовок кода эрви сын апак васьфтьть башка руководитель марта, то тянгса идытненъ эзда сяди зорникне мезе кельгсть сянъ и тиендсть, сын апак лотксек зарничендасть, нльне ульсть тюреманъ случайхть и аварьдема.

Сембе тяфта сболти аноклама работанъ апак йотафт, сонь 12 частста панжемани васц, панжезь 2 частста. Идытне руководителсон марта учсть 2 частт Лукин ялгати эса, кона тись теестъ гражданский войнать колга лятфнеманзон колга беседа.

Эрви азомс, што беседась пяхсодержательнаель и интереснаель, но калдыв ся, што сон таргавсь 30-шка минутс—кувакаль и аф се-

мбе идытненъ эзда лажадозь кулцондозь сонъ. Сын пях шумнасть, и корязонза сяди лажадозь ванцть костерть лангс.

Улель сяди лад, кда тяда инголе беседчикъ марта улель конкретнай договоренность. Пара улель, кда теенза улель максф установка, што тяфтама теманъ коряс беседась улель иорькяниен, илтиенди аф шарькодеви лишнай валфтома и ушедф эсь пингстонза.

Сядонга пара улель, кда беседать васенда сьормадомс кагод лангс и проверендамс цебарьста, аронтомс сонь лишнай валда.

Анычек тяфта можна кясфтомс всякай теманъ коряс беседати кулцендыхненъ ширьде интересъ, а сембеда пях кда тя беседась тиенди иденди.

Тя сборса жа беседаське апак арьсеколь, апак арьсеколь ся, што сонъ кулцондомонза кармайтхть идыть, азондомс эрви простой и яснай кяльса, афомальхть нолне Лукин ялгати тяфтама валхт, кода „последняя фаза капитализма“, „боевое снаряжение“, „потолок аэроплана“, „наймиты империализма“ и ст. тов и ст. тов.

Кизефтемс, кодама пользац тифтама валса пяхкедьф беседать, и ашель штоли возможность Лукин ялгати азондомс гражданский войнать колга эпизодт идытненди шарькодеви кяльса.

Сай пингонъ сболхненъ йотафтомста райкомонъ пионер отделти эрви хть тя сболти йотафтомаса афсатыксне лувомс и машфтомс обязательна.

В—н.

## Пионерхненъ йоткса работась юкстаф

Кулдим велень аф полной средний школаса пионер вожатайкс путф Демкин ялгася. Демкинъ аф вяти пионерхненъ йоткса кодамовок работа. Сон аф содасыне

мзюра школаса пионерда. Комсомольский организациясь пионерхненъ йоткса работати аф шарфни кодамовок мяль. Уч—ся

Шайговань р-н.

## Тонадсасъ обороннай тевть

Сире Шайговань полной средний школаса пях весяласта ульсь йотафт Якстерь Армиять 19-це годовщинац. Февраль 23-це шистонза школаса ульсь путф спектакль. Школьникне налксестъ военной играт.

Праздникта меле комсомольский организациясь вишкотеке обороннай работай. Тяни пуроптф обороннай кружок, коза суvasь лама школьник.

Девин.

Шайговань р-н.

## Аф содасазь Сталин ялгати докладонц

Березники велеса комсомолецне тячить самс аф содасазь Сталин ялгати докладонц и од Конституциять. Комсоргс Босомыкин Алексей, сон жа и клубъ заведующаец, анычек якай посиделкатненъ ланга, а клубъ аф панчесы и кодамовок работа комсомолецненъ марта аф вяти.

Журавкина велеса комсомолецне кодамовок работа аф вятихть од ломаньтненъ йоткса и сынцке тонафнихть пях калдывста.

Рудаков.

Зубунь район.

## Путфкссь аф пяхкочневи

Саранскяненъ мокшэрзянь фельдшерско-акушерский школаса аф вятени кодамовок антирелигиозной работа. Комсомольский организациясь аф кунара примась путфкс, штоба вишкотеке антирелигиозной работай, но тя путфкссь илячни анычек кагод лангс.

Школаса ули СВБ-нь кружок, но студентне аф содасазь кие сонь руководителец.

Тяста няеви, што комсомольский организациясь антирелигиозной работай значенияц ковоига аф путнесы. Тя оцю эльбияткс. Антирелигиозной работась эрви пяхоня вишкотеке. Религиозной предрасудкатне каннихть оцю вред социалистический стройкати. Сяс и эрви вятенс религиозной предрасудкатненъ каршес оцю тюрема.

Белов,

## СЕМБЕ ПОДПИСЧИК НЕНЬ МЯЛЬС

Временна кагодонъ аф сатоманкса, „Комсомолонъ вайгяль“ газетась временна кармай лисендема кафта поласаса.

Отв. редакторъ С. ЛАРИОНОВ.

Уполномоч. главлито № Д—25. Заказ № 723. Тираж 1272

Саранск типография „Красный Октябрь“ Мордгиза